

餘杭縣志卷三十九

雜記一

邑中舊事有類可系者悉已載之各門其無類可歸者則彙輯之為雜記凡子目有三曰記大事歷代戰爭守禦之事也曰記軼事前賢詭異瑣細之事也曰記詩話詩人篇題無地可屬而統謂之餘杭者也或仍舊志或引他書而晰載之採覽所未及則俟諸後來

記大事

天目山有二水一條東流經於潛臨安百五十里至餘杭為苕溪又東三十里抱錢塘又東北流六十里過湖州入太

餘杭縣志

卷三十九

雜記一

一

湖一條西趨於潛為紫溪合桐廬之水匯於錢塘此郭璞所謂天目兩乳也南山如龍北山如鳳此郭璞所謂龍飛鳳舞也海門一日兩潮日輪正從鰲子門上此郭璞所謂金星也郭璞留識蓋預知五百年潮打西興為都會矣

太平

寰宇記

陳暉桐廬人吳富陽侯碩之子仕至黃門侍郎征虜將軍封

餘杭侯暉有仙術能興水工今有廟存焉

明一統志

陳暉字子厚富陽侯碩之子也仕至黃門侍郎征虜將軍封餘杭侯有仙術能興水工嘗於餘杭一夕築九里塘不假人力今南北鄉有陳侯公廟即暉也

桐廬縣志引一統志一本無

餘杭築塘事桐廬志引其說而增竄之蓋采自嚴陵志也

按陳侯父子明一統志列於三國吳時人然吳書未有考黃武四年始析富春之桐溪鄉置桐廬志云桐廬人殆析縣以後歟富春之改富陽在晉孝武太元中避鄭太后諱而改見於宋書州郡志吳時並未富陽之名如郭成封富春侯可證碩之封當曰富春而乃曰富陽豈後人追改歟
陽之浙江通志亦採之嘗築九里塘則固有功於斯邑探之於史傳少所徵張令舊志入之軼事亦疑以傳疑者雖於史傳少所徵張令舊志入之軼事亦疑以傳疑之意今亦存之以備考

晉咸和三年賊將掠餘杭等縣王舒遣子允之率揚烈將軍

與將軍徐遜陳孺等以精銳三千潛擊賊於武康出其不

意遂破之

通鑑綱目

武帝永明三年富陽人唐寓之反於新城起事分兵出諸縣

餘杭縣志

卷三十九

雜記一

二

餘杭令樂炎戰敗乃奔寓之於錢塘僭號置太子以新城

戍為天子宮餘杭縣廨為天子宮後臺軍討平之

縣志補引南

齊書

隋開皇七年餘杭民楊實英作亂柱國楊素率兵討平之

通鑑

綱目下同

隋煬帝大業三年六年濬江南河至於餘杭自京口至餘杭

八百餘里廣十餘丈欲東巡會稽也

九年秋七月餘杭劉元進兵起劉元進少好任俠為州里所

宗兩手各長尺餘臂垂過膝煬帝興遼東之役百姓騷動

元進自以相表非常陰有異志遂聚眾合亡命會帝復征

遼東徵兵吳會士卒皆相謂曰去年吾輩父兄從帝征者當全盛之時猶死亡大半骸骨不歸今天下已罷敝是行也吾屬無遺類矣於是多有亡散郡縣捕之急旣而楊元感起於黎陽元進知天下思亂於是舉兵應之三吳苦役者莫不響至旬月衆至數萬將渡江而元感敗吳郡朱燮晉陵管崇亦舉兵有衆七萬共迎元進奉以爲主據吳郡稱天子燮崇俱爲僕射署置百官毘陵東陽會稽建安豪傑多執長吏以應之帝令將軍吐萬緒光祿大夫魚俱羅率兵討焉元進西屯茅浦以抗官軍頻戰互有勝負元進退保曲阿與朱燮管崇合軍衆至十萬緒進軍逼之相持

百餘日爲緒所敗保於黃山緒復破之燮戰死元進引趨建安休兵養士二將亦以日久頓兵自守俄而二將俱得罪帝令江都郡丞王世充發淮南兵擊之有大流星墜於江都未及地而南逝摩拂竹木皆有聲至吳郡而落於地元進惡之令掘地入二丈得一石徑丈餘後數日失石所
在世充旣渡江元進將兵拒戰殺千餘人世充窘急退保延陵柵元進遣兵人各持茅因風縱火世充大懼將棄營而遁遇反風火轉元進之衆懼燒而退世充簡銳卒掩擊大破之殺傷大半自是頻戰輒敗元進謂管崇曰事急矣當以死決之於是出挑戰俱爲世充所殺其衆悉降世充

坑之於黃亭澗死者三萬人其餘黨往往保險爲盜其後董道冲沈法興李子通等乘此而起戰爭不息逮於隋亡

舊府志
引隋書

唐武德元年吳興太守沈法興舉兵攻餘杭李子通襲沈法興大破之法興赴江溺死子通軍勢大振率其羣臣徙都

餘杭府志
下同

劉晏字士安南華人天寶末拜度支郎中兼侍御史領江淮租庸事晏至吳郡會永王璘反採訪使李希言謀拒之假晏守餘杭會戰不利走依晏晏爲陳可守計發義兵堅壁璘聞晏有備遂自晉陵西走晏終不言功

餘杭縣志

卷二十九

雜記一

四

唐上元元年江淮都統劉展反淮東節度副使李藏用拒之敗奔杭州遣別將屯餘杭

唐僖宗乾符五年王郢之亂餘杭凌文舉偕臨安王昌等各爲都將號杭州入都以討之

獨松關以內皆石塘大路然狹處僅容車騎宋建炎三年金完顏宗弼自安吉進兵過獨松關嘆曰南朝可謂無人若以羸兵數百守此吾豈能度哉知餘杭令曾愚知金兵至與其丞徐聿成率父老出迎愚乃鞏之孫也縣尉楊汝爲在徑山請監寺爲統領率強壯以禦敵主僧梵仁從之後梵仁遇敵死難

按宋史曾志字仲常中書舍人鞏之係補太學內舍生以父任效社齋郎累官司農丞通判温州須次于越建炎三年金人陷越以琶八為帥約詰旦城中文武官並詣府有不至及藏匿不覺察者皆死志獨不往為鄰人糾察逮捕見琶八辭氣不屈且言國何負汝乃叛盟欺天恣為不道我宋世臣也恨無尺寸柄以死國安能貪生事爾耶時金人帳中執兵而皆愕相視琶八曰且令出左右盡驅其家屬四十口同日殺之越南門外越人作窖瘞其屍金人去志弟朝散郎聞時知杭州餘杭縣事製大棺斂其骨葬之天柱山事聞與三資恩澤官其弟怱子密兄子宥皆將仕郎

建炎三年兀朮完顏宗弼兵犯臨安錢塘令朱蹕請郡守康允之戍千秋獨松二嶺以抗其咽守不聽兵果自獨松關入臨安陷

按李正民乘桴錄建炎航海時餘杭有把隘官陳彥報人馬至縣迎擊乃退陳彥不知何許人附識於此

餘杭縣志

卷三十九

雜記一

五

德祐元年九月元世祖命中書左丞相伯顏總軍取宋諸郡望風敗降世祖乃命廉希賢嚴宗範等詣宋議和次建康伯顏以壯士五百護之獨松關守臣張濡以為北兵叩關率兵掩擊希賢等被害世祖大怒趣進攻之錢塘三日潮汐不至遂以少帝等北去先是臨安有謠云江南若破白雁來過蓋伯顏之讖也

張濡守獨松關告急命馮驥佐之後濡敗遁去驥守關與弟驩力戰死

元高興字功起蔡州人至元十二年巴延伐宋承制授興千戶由間道奪獨松關進至武康

元史傳

宋末設兵戍守信國文公嘗駐防其地有戍關集杜詩我來屬危時朝野色枯槁倚君金華省不在相逢早舊縣志下同

桑海遺錄載文丞相宋瑞事丞相屯守時獨松告急朝廷四詔政府文書趣奔聊攝援根本一日一夜倉皇就道及至行都而獨松隨以破陷復令駐兵餘杭守獨松

元至正十二年歲壬辰蘄黃徐壽輝賊黨攻破昱嶺關徑抵餘杭縣七月初十日入杭州城浙省參政樊執敬死於天水橋寶哥與妻同溺於西湖浙西廉訪使率鹽場竈丁過江同羅木營官軍恢復城池賊遂潰散

董搏霄字孟起磁州人由國子監生歷浙東宣慰副使至正

餘杭縣志

卷二十九

雜記一

六

十一年從江浙平章教化征安豐賊渡江至湖州德清縣而徽饒賊已陷杭州搏霄進平杭城七戰復杭州已而餘杭武康德清以次平賊復自昱嶺關寇於潛搏霄提兵討之復千秋關賊復攻獨松百丈幽嶺三關搏霄又分爲三軍一出獨松一出百丈一出幽嶺然後會兵搗賊巢遂乘

勢復安吉

元史傳

李文忠字思本盱眙人年十九以舍人將親軍敗苗軍于於潛昌化士誠將李伯昇以二十萬衆攻新城文忠馳救去新城十里駐軍橫槊引鐵騎數十乘衝其中堅所向披靡明年大軍伐吳令攻杭州以牽制之文忠克桐廬富陽遂

攻餘杭守將謝五降遂趨杭州

明史傳下同

朱亮祖六合人授指揮使李文忠破李伯昇于新城亮祖乘勝燔其營落數十會攻桐廬圍餘杭副李文忠守杭州

嘉靖三十五年丙辰三月倭寇犯塘棲調臨安兵駐劄餘杭調石瀨雙溪兵駐劄錢塘瓶窑鎮田藝蘅作詩簡張少府云謾信天時遠還居地利偏山深原設險掎角可圖全敵愾千人合兵衡四鎮連君家多祕術莫惜圮橋編

香宇集

明季寇劇巨寇唐起凡者嘯聚數千人出沒邑境流毒近二十年知縣宋士吉履任力行保甲法併請防兵嚴加偵緝於順治十八年三月密督防兵民壯擒其先鋒葉爾行姚

餘杭縣志

卷三十九

雜記一

七

濟等於仇山盧公渡會杭協王公勁兵撲勦士吉躬歷行間康熙元年三月賊勢潰敗唐起凡授首餘賊張應麟等士吉親率典史捕兵同守備闕良才於盛桐地方殲之二年七月又督保甲鄉勇圍賊黃五兄弟等於東行塢會通都防守統兵夾勦於平窑賊遂殲滅無遺

舊縣志

記軼事

凌統怨甘寧殺其父操寧嘗備不與相見權亦命統不得讎之嘗於呂蒙舍會酒酣統乃以刀舞寧起曰寧能雙戟舞蒙曰寧雖能未若蒙之巧也因操刀持盾以身分之權後知統意因令寧將兵徙屯于半州

三國志注引英雄記

吳時富陽董昭之嘗乘船過錢塘江中見一蟻著一短蘆走
回復顧望甚皇遽因以繩繫蘆船上至岸蟻得出夜夢一
烏衣人謝云僕是蟻中王也感君見濟後有急難當相告
語歷十餘年昭之被橫錄忽思蟻王之夢因取三四蟻著
掌中語之夜夢烏衣人云可急投餘杭山中既寤過江投
餘杭山旋遇赦得免

齊諧記

卜天生天與弟少爲隊長十人同火屋後有一坑廣二丈餘
十人共跳之皆度唯天生墜衆皆笑之天生乃取苦竹剡
其端使利交橫布坑內更呼等類共跳並懼不敢天生乃
復跳之往返十餘曾無留礙衆始嘆服以兄死節爲宋孝

餘杭縣志

卷三十九

雜記一

八

武所留心爲弋陽太守

南史孝義傳

晉謝安本傳安石嘗往臨安山中坐石室臨濬谷悠然嘆曰
此與伯彝何遠今餘杭縣東有東山坡公有遊餘杭東西
巖詩註云卽謝安東山所謂獨攜縹緲人來上東西山者

是也

詩話
總龜

國一大師偶坐石屏下有名崇慧者前致禮曰長安佛法有
難願度爲沙彌以護之師異而度之遂入京寓章敬寺大
歷三年戊申九月二十三日太清宮道士史華乞與釋氏
角勝負于東明觀架刀爲梯史華登躡而上如履磴道次
日崇慧于章敬寺庭樹間梯架鋒刃銛白如霜增高東明

觀百尺崇慧跣足而登至絕梯而止忻然躡而下如行平地以至蹈烈火探沸油餐鐵葉爲飴飴嚼釘線爲脆飴史華與道衆視之駭汗掩袂而走四衆讚嘆聲若雷霆云

舊府

志下

同

商玲瓏者餘杭歌者也白樂天作郡日賦歌與之云罷瑤琴掩秦瑟玲瓏再拜歌初畢誰道使君不能歌聽唱黃雞與白日黃雞催曉丑時鳴白日催年酉時沒腰間赤綬繫未穩鏡裏朱顏看易失玲瓏玲瓏奈老何使君歌了汝還歌時微之在越厚幣邀去月餘始遣還贈之詩因寄樂天云休遣玲瓏唱我詞我詞多是寄君詩明朝又向江頭別月

餘杭縣志

卷二十九

雜記一

九

落潮平是去時

餘杭能萬卷者浮屠之真儒介然持古人風節有奧學著典類一百二十卷天禧中祕館購書王冀公欽若持請附焉諸儒皆抱經就業師居常喜閱唐韻諸生竊笑一日出題於法堂曰楓爲虎賦其韻曰脂入地千年成虎諸生不喻乃唐韻楓字注中云黃帝殺蚩尤棄其桎梏變爲楓木脂入地千年化爲虎珀

湘山野錄

野史載柳者卿宰餘杭時年甫二十五歲造翫江樓于溪澣召名妓周月仙歌唱其上調之不從偵知與隔溪黃員外暱每夜乘舟往來乃密令艍人半渡劫之月仙勉從作詩

一絕云自嘆身為妓遭淫不敢言羞歸明月渡嬾上載花
船明日柳召周佐酒作詩曰佳人不自奉耆卿却駕孤舟
犯夜行殘月曉風楊柳岸肯教辜負此時情觀此知柳固

風雅不羈

縣志補

按宋詩紀事耆卿名永崇安人未嘗令餘杭所引藝苑
雌黃獨醒雜志方輿勝覽三條雖稱其填詞三變風流
俊邁未嘗言其宰餘杭之事此
條或別一柳永姑存以備考

餘杭人沈縱家素貧與父同入山得一玉豚從此所向如意

田桑並收家遂大富

幽明錄

按此未詳時代
姑附此俟攷

宋熙寧中餘杭洪浩遊太學十年不歸其父寄浩詩云太學

餘杭縣志

卷三十九

雜記一

十

何蕃且一歸十年甘旨誤庭闈休辭客路三千遠須念人
生七十稀腰下雖無蘇子印篋中幸有老萊衣歸時定約
春前後免使高堂賦式微浩得詩卽歸養

府志

宋元豐己未趙清獻抃再帥錢塘抗章告老歲甲子八月忽
來遊山謂道士沈日益曰近夢入真徑宮闕巍峨有數道
士相迓詢之曰此洞霄宮旣覺思之兩典是郡未嘗至此
故冒暑來今觀泉石樓觀與夢中所見無異豈仙聖有緣

耶留詩紀事

洞霄紀異

東坡集載僕昔爲通守此州初入壽星寺悵然如舊游也後
爲密州張子予以詩見寄答之云爾元祐五年十月二十

九日詩云前生我已到杭州到處長如到舊遊更欲洞霄
爲隱吏一庵閒地且相留

東坡相視新河次張秉道韻詩云君不見元帥府前羅萬戟
濤頭未順千弩射至今鳳凰山下路長借一箭開兩翼我
鑿西湖還舊觀一眼已盡西南碧又將回奪浮山險千艘
夜下無南北坐陳三策本人謀惟留一諾待吾畫老病思
歸真慙寓功名如幻終何得從來自笑畫蛇足此事何殊
食雞肋憐君嗜好更迂闊得我新詩喜折屐江湖粗了我
徑歸餘事後來常潤色一菴閒臥洞霄宮并有丹砂水長
赤詩後有家鉉翁跋

餘杭縣志

卷三十九

雜記一

十一

遠兄子碩送客餘杭步伍亭就觀壁後得淡墨書數行筆跡
適媚後題云李媛書似非世人所作亭後有數十荒塚疑
鬼憑附而書其詩云夜臺夜後夜東山東復東當時九龍
月今日白楊風

何遠春
渚紀聞

初陳瓘自合浦放還居四明而其子正彙幹至餘杭適聞蔡
崇盛託蔡京有動搖東宮之語正彙卽日自陳於杭帥蔡
疑疑方結京爲死黨遂執正彙送京師而飛書告京京俾
預爲計事下開封府制獄知開封李孝稱酷吏也乃并下
明州捕瓘獄具竟坐正彙以所言過實流竄海島而瓘亦
有通州安置之命

續資治
通鑑

徑山有南塔宋南渡時青烏家有言徑山可作陵寢高宗令術者往視一夕于三塔龍首忽起一塔凌晨有見雲霧中一僧從上砌下一僧從下砌上相接成塔術者見塔云老

龍生角不堪作陵寢矣

舊縣志下同

洞霄宮有撫掌泉作欄護之宋熙寧初有物狀如鮫鰻遶欄楯間兩目如丹以杖扑之卽墜入泉去須臾陰霧周布一山大水自天柱源來洶湧可畏將墊殿堂乃止惟損去廊屋數間或曰龍之怒也

咸淳志

洞霄宮有龍潭昔有上首道人誦度人經多著奇驗每就所居側龍潭上持念一日有老人自潭中出跪曰弟子卽龍

王也每聽經文無任皈依今竊有請焉師纔到潭上則幽祇皆起敬下退殊不自安願只宴坐齋中不妨曰課百靈得以休息當日置鮮乳二斤以供齋膳道士許諾明旦廚人報几案間得乳鮮潔莫知從來秤之果重二斤後日日常然居數歲忽累日不至心疑之偶至水次復見前老人曰乳乃世間物弟子無有忝爲土神凡世間欺人取贏者得陰攝之此去有市戶董七好舞秤權以十四兩作斤故從而掠焉今其人不在其父自主店業未嘗罔利故不可取非失約也道士嗟嘆每宣言村落間導人爲善

夷堅志

神應鍾唐大歷四年台州黃巖大旱徧禱弗應遂祈于杭之

大滌洞既雨土神見夢于邑大夫曰宜鑄金爲鐘以酬厥
貺大夫從之逮宋宣和間更三百六十餘年毀于火紹興
八年道士朱希及等收拾破壞將復鑄鑄之夕神夢曰冶
于故地乃成不得已從之明年鑄成赤城左璠銘曰壞于
數匪壞于火成于神匪成于人作於此用于彼福吾邑無
有已故號斯名今毀

舊縣志
下同

徑山神冶鐘宋慶元間住僧哀銅萬觔欲鑄巨鐘患無良工
一日有工至自言能鑄遂以冶事委之鑄既成謂僧曰此
鐘音韻洪遠俟予去山三日方擊之可聞數百里外言訖
辭去僧有疑其詐者度工下山甫數十里卽擊之鐘聲遂

餘杭縣志

卷三十九

雜記一

十三

僅及此

宋紹定辛卯有楊公伯岳者武恭王之孫游山至棲真洞方
舉火仰視華蓋忽有神光發層臺上青白相半冉冉而升
圓如滿月久之方隱

餘杭徑山錢塘靈隱淨慈寧波天童育王等寺爲禪院五山
錢塘中竺湖州道場溫州江心金華雙林寧波雪竇台州
國清與福州雪峯建康靈谷蘇州萬壽虎邱爲禪院十刹
錢塘上竺下竺溫州能仁寧波白蓮等寺爲教院五山錢
塘集慶演福普福湖州慈感寧波寶陀紹興湖心與蘇州
大善北寺松江延慶建康瓦棺爲教院十刹

七修
類稿

宣義郎萬延之錢塘人性剛不能屈曲州縣中年拂意而歸徙居餘杭行視苕霅陂澤可爲田者卽市之歲收租入數盈萬斛常語人曰吾以萬爲氏至此足矣卽營建大第爲終焉之計家蓄一瓦缶蓋初赴選時遇都下銅禁甚嚴因以十錢市之以代沃盥之用時當凝寒注湯頰面旣覆缶出水而有餘水留缶凝結成冰視之桃花一枝也衆甚異之以爲偶然明日用之則又成雙頭牡丹一枝次日又成寒林滿缶水村竹屋斷鴻翹鷺宛如畫圖遠近景者自後以白金爲護什襲而藏遇凝寒時卽預約客張宴以賞之未嘗有一同者其最詭異方上皇登極而致仕郎例遷一

秩萬遷宣德郎詔下之日適其始生之辰親朋畢集是日復天寒設缶當席旣凝冰成象則一山石上坐一老人龜鶴在側如所畫壽星之象觀者莫不咨嗟嘆異以爲器出于陶革于凡火初非五行精氣所能鍾而變異若此竟莫有能窮其理者然萬氏自得缶之後雖資用饒給其剝下益甚後有誘其子結婚副車王晉卿家費用幾二萬緡而娶其孫女奏補三班借職延之死三班亦繼入鬼錄餘資爲王氏席卷而歸二子曰就淪替今至寄食于人衆始悟萬氏之富如冰花在玩非堅久之祥也後歸蔡京家云

宋稗

餘杭縣南有上湖湖中央作塘有一人乘馬看戲將三四人至岑村飲酒小醉暮還時炎熱因下馬入林中枕石而眠馬逸從人悉追之至暮不返眠覺日已向晡不見人馬見一女子年可十六七云日既向暮此間大可畏君作何計大人暫欲相見俄見二十餘人隨新車至趨上其行如飛道中絡繹把火見城郭邑居既入城進廳事有信幡題云河伯俄見一人年三十許顏色如畫侍衛繁多相對欣然敕行酒炙云僕有小女頗聰明欲以給君箕箒其人知是神明不敢拒逆便敕備辦令就進婚郎中承白已辦遂穿絲布單衣及紗袷絹裙紗衫褙履屐皆精好又給十小吏

餘杭縣志

卷三十九

雜記一

十五

青衣數十人婦年可十八九姿容婉媚一住三日經大會客拜閣四日云禮既有限當發遣去婦以金甌麝香囊爲壻別涕泣而分又與錢十萬藥方三卷云可以施功布德復云十年當相迎此人歸家遂不肯別婚辭親出家作道人所得三卷方一卷脈經一卷湯方一卷丸方周行救療皆致神驗後母老兄喪因還婚宦

縣志備補引幽明錄

董鏞字孟聲永樂二年曾榮榜進士授翰林院庶吉士杭郡志及明朝通紀載鏞爲于忠肅謙之外父封一品夫人董氏卽鏞女也鏞二子長璵字仲魯景泰間吏部郎中次璠成化七年舉人孫序成化間中書舍人萬姓統譜載鏞錢

塘人由序子家于餘杭今其三代誥命猶存焉舊縣志下同

宏治四年浙西大饑致仕太子少保禮部尚書餘杭鄒康靖公幹疏聞乞差官體勘災荒地方寬免今年租稅敬皇帝

嘉納之敕有司綵帛羊酒存問篝燈碎語

明父子尚書無生前俱至一品者贈官則有之然亦止五家耳太子太保儀智太師銘太子太保鄒濟少保榦太子太保許誥少師讚太子太保林瀚少保庭楫太子太保李瓚太子太保廷相內儀以三品鄒以四品得之蓋皆東宮官

云舊縣志下同

明父子俱得謚者凡十二家儀文簡智忠襄銘鄒文敏濟康

餘杭縣志

卷三十九

雜記一

十六

靖榦王毅愍文安簡宗彝周莊懿瑄文端經耿清惠九疇文恪裕白恭敏圭文裕鉞倪文僖謙文毅岳王端毅恕康僖承裕許襄毅進莊端誥文簡讚林文安瀚康裕庭楫孫忠烈燧文恪陞楊康惠志學恪愍守謙

明全戶優免海內凡八家鄒文敏其一也

鄒文敏濟爲庶子曰文廟一夕夢大星降庭朝罷問廷臣夜來誰得子者濟奏臣夜舉一子卽康靖榦也上喜卽賜月米一石生三月夫人入賀后壽攜入宮后親抱之頃睡臥之御床以御衾覆之此亦不世之奇遇也

姚履中坦爲余言餘杭一舊家祖遺一錫瓶製極精緻面刻

三楷字云古刺水口封固極密搖之有水聲相傳數世亦不知何用薛澱山洪云嚴嵩抄家籍上有此其涼沁骨蓋

暑月以涼體者

陳墨樵茗水札記

徐某字第之好客嗜古與錢塘田藝衡最善家有酒器名鳳嘴杯長可尺許容酒七合近喙者如白玉切肉者如桃花

甚珍愛常酌以勸藝衡索其詩

香宇集

聞啓祥字子將錢塘人博綜羣書尤工制舉業杭州先有讀書社啓祥張天生馮延年暨餘杭三嚴後乃入于復社舊縣志

錢芬字仲芳崇禎壬午舉人事繼母盡孝流寇披猖閣部史

餘杭縣志

卷二十九

雜記一

十七

可法招至幕下辭不就暮年著書大滌山有熹宗邑乘讀

易緒言莊子緒言諸書

橋李詩繫參嘉善縣志

白公者墓在縣署北垣外故老相傳爲官斯土而殉國變者也先時縣令至必祀公公亦時著靈異烏帽緋衣若有聲色然然不詳其名字里居墓之有亭亭之有碑皆近年事以意字之而題之爾嘉慶丁巳嘉平朔邑茂才邵君文煥爲扶鸞之事公忽降筆云明司馬白瓊到詩曰家住澉江東復東峙山澉水妙無窮一朝詔守江南界變適餘杭歸太空語雖質而公之爲明季人名瓊雲南貫以郡司馬防禦江南間道經餘杭遇鼎革而殉數言盡之矣崇禎甲申

李自成陷京師

大清入定鼎傳檄海內金陵乃擁福藩稱制乙酉五月大兵始下杭州越郡猶梗薙令挾魯藩抗我師故順治三年丙戌初舉鄉試前志所載職官自丙戌以前略不登甲申年縣令鄒璘有升南刑部之語以奉宏光制也今天下一統明之蓋臣若史可法金聲黃道周諸人皆垂諸正史與日月齊光而公以間關命吏涉足禹航見危授命士民憮於倉卒志乘不爲昌言抔土僅存傳疑滋甚其幸不幸何如也然公死而不泯猶能託于乩以傳於虜鬼神之道豈其誣哉

餘杭縣志

卷三十九

雜記一

十八

洞霄君海寧楊學曾嘗作續圓圓曲長篇結內云白鴿禪師事渺茫蓬萊三度見塵揚幾人碧血光泉壤一代紅裙繼禹航自注云圓圓者吳三桂妻順治丁亥三桂以平雲南桂王功封平西王圓圓將正妃位固辭不受後知三桂蓄異志乃請爲女道士及康熙癸丑三桂反戊午諸王貝勒討平僞黨滇南大定籍三桂家圓圓獨不入籍不知所終當三桂未叛時有侍兒策其必敗以計自脫於禹航之洞

霄宮號洞霄君

雪笑集

博士官禹航鮑先生覺庭嘗歎羨周六雲上治先生謂如君者可與尋孔顏樂處矣周先生謝曰何敢當抑儒先此語某

猶疑之樂則樂耳有何處所可尋孔顏之樂妙不自尋而人獨安能尋之尋之是刻舟覓劍痕也夫樂已滅矣已失矣鮑先生以便面閣几曰是可與尋孔顏樂處矣顧而語
粲如此我輩禪也

方粲如學古文

徐孝廉鼇居邵家橋距城二里其卒之先一夕城中胡氏有老婦病歿翼日將殮忽蹶然甦曰我今不死城外一舉人徐姓者將死矣我昨至城隍廟神檢冥籍謂我陽壽未終釋我使歸途中見四人舁一轎甚華後隨一賫紅柬者訊之云往城外接徐舉人去甚捷是晚孝廉果卒

紫柏禪師真可武塘景德寺僧也受具徑山嘗念大藏卷帙

餘杭縣志

卷二十九

雜記一

十九

繁多欲刻方冊易爲流通遂於萬歷間募貲開刻未成而紫柏歿於京師其板向藏餘杭化城寺及寂照庵亦有在嘉興楞嚴寺者閱歲既久兩地經板日就朽蠹嘉慶七年杭州嘉興善士沈宦生王松泉等倡議捐貲將化城寂照兩刹經板盡數運歸楞嚴陸續脩補俾佛法流通以滿紫師之願亦一時勝果云

西北里人張彥公生康熙二十四年乙丑歿乾隆四十九年甲辰壽正百歲未經報題

從九品老民李崑乾隆五十五年八月慶祝

萬壽蒙 賜銀牌壽杖靴帽表裏嘉慶元年正月慶祝

萬壽蒙 賜銀牌壽杖並蒙于

寧壽宮 賜宴

餘杭縣志卷三十九終

餘杭縣志

卷三十九

雜記一

二十